



KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	UTUSAN MALAYSIA			
TARIKH	:	16/8/2021 (ISNIN)	MUKA SURAT	:	28
JABATAN	:	PERHILITAN			

UM, 16 Ogos
2021 28

Empat ekor gajah liar dipindah ke Tasik Kenyir



ANGGOTA Unit Tangkapan Gajah, Kuala Gandah sedang menaikkan dua ekor gajah liar yang ditangkap ke atas lori untuk dipindahkan ke Taman Pemuliharaan Gajah Tasik Kenyir di Felda Kota Gelanggi Tiga di Jerantut, Pahang. - UTUSAN/HARIS FADILAH AHMAD

JERANTUT: Empat ekor gajah liar yang merayau berdekatan ladang sawit Felda Kota Gelanggi Tiga di sini akhirnya ditangkap renjer Jabatan Perlindungan Hidupan Liar dan Taman Negara (Perhilitan) Pahang semalam untuk dipindahkan ke Taman Pemuliharaan Gajah Tasik Kenyir, Terengganu.

Operasi pemindahan gajah liar berkenaan bermula pukul 9.30 pagi semalam selesai tiga jam kemudian melibatkan seramai 18 petugas Pusat Konservasi Gajah Kebangsaan (PKGK) Kuala Gandah, Lanchang.

Pengarah Perhilitan Pahang, Rozidan Md. Yasin berkata, dua ekor gajah denak, *Rambai* dan *Kasturi* yang dibawa dari PKGK Kuala Gandah digunakan untuk operasi penangkapan ber-

mula sejak seminggu lalu.

"Pemantauan serta operasi pertama pada 8 Ogos lalu, kita berjaya menangkap dua ekor gajah liar ini, manakala pada 10 Ogos pula dapat menangkap dua ekor lagi di kawasan pinggir hutan berdekatan ladang sawit Felda Kota Gelanggi Tiga di sini.

"Empat ekor gajah liar ini merupakan ahli kawanan terdiri daripada 20 hingga 30 ekor (gajah) yang masih merayau-rayau di kawasan Hutan Simpan Tekam berdekatan perkampungan pesisir Sungai Pahang di mukim Tembeling Tengah, Pulau Tawar dan kawasan ladang Felda ini," katanya kepada pemberita di Felda Kota Gelanggi Tiga, dekat sini semalam.

